



Broj: 02-11-3313/21
Sarajevo, _____ godine

Na osnovu člana ²³⁻⁰⁹⁻²⁰²¹70. stav (1), (2), (3) i (6) Zakona o javnim nabavkama Bosne i Hercegovine ("Službeni glasnik BiH", br. 39/14) u daljem tekstu: Zakon, člana 69. Statuta Općine Centar Sarajevo – Prečišćeni tekst («Službene novine Kantona Sarajevo», br. 23/04), a na prijedlog Komisija za nabavku roba, usluga i radova II imenovana rješenjem broj: 10-45-137-2/21 od 21.07.2021. godine, u daljem tekstu: Komisija, u postupku javne nabavke o pružanju štamparskih usluga za 2021. i 2022.godinu (Zapisnik o pregledu i ocjeni ponuda broj: 02-11-3313/21 od 13.08.2021.godine), Opštinski načelnik d o n o s i:

O D L U K U **o izboru najpovoljnijeg ponuđača**

- I.** Ponuda prvorangiranog ponuđača „SAMAS“ d.o.o. Sarajevo, ul. Hadžidamjanova 1, Sarajevo, broj: 08-277/21 od 06.08.2021. godine, za javnu nabavku za pružanje štamparskih usluga, putem konkurentskog zahtjeva za dostavu ponuda, prihvata se za dodjelu Okvirnog sporazuma sa ukupnom cijenom (zbir jediničnih cijena svih predmetnih usluga) u iznosu od **713,81 KM sa PDV-om** i rokom izvršenja usluge **12 (dvanaest) sati**.
- II.** Ponuđači će o prihvatanju ponude iz stava I. ove odluke, biti obaviješteni najkasnije u roku od sedam dana od dana donošenja Odluke.
- III.** Ova odluka će biti objavljena na internet stranici Općine Centar Sarajevo: www.centar.ba, istovremeno sa dostavljanjem svim ponuđačima, shodno članu 70. stav (6) Zakona.

O b r a z l o ž e n j e

Postupak putem konkurentskog zahtjeva za dostavu ponuda za pružanje štamparskih usluga tokom 2021. i 2022.godine, pokrenut je Odlukom Općinskog načelnika broj: broj: 02-11-3313/21 od 31.05.2021. godine.

Shodno Zakonu, objavljeno je obavještenje o nabavci putem otvorenog postupka, na internet portalu E-nabavke, broj obavještenja: 848-7-2-102-3-50/21 od 08.06.2021. godine i ispravka obavještenja broj: 848-7-2-102-8-67/21 od 22.07.2021. godine.

U roku za dostavljanje ponuda određenom u ispravci obavještenja o nabavci, dana 06.08.2021. godine do 12,00 sati, na adresu ovog ugovornog organa pristigle su 3 (tri) ponude ponuđača: „BLICDRUK“ d.o.o. Sarajevo, „SVJETLOST BH - PRINT“ d.o.o. Sarajevo i „SAMAS“ d.o.o. Sarajevo.

U skladu sa članom 63. Zakona o javnim nabavkama (u daljem tekstu: Zakon), Komisija je u zakazano vrijeme pristupila javnom otvaranju pristiglih ponuda i nakon što je utvrđena urednost dostave, pročitana je cijena ponuda i rok isporuke kao potkriteriji „ekonomski najpovoljnije ponude“, kako slijedi:

Reg. broj	Ponuđač	PODKRITERIJ 1 Ukupna cijena ponude u KM sa PDV-om	POPUST	PODKRITERIJ 2 Rok izvršenja
57	„BLICDRUK“ d.o.o. Sarajevo	2.101,72	-	12 sati
58	„SVJETLOST BH - PRINT“ d.o.o. Sarajevo	2.268,60	-	48 sati
59	„SAMAS“ d.o.o. Sarajevo	713,81	-	12 sati

Nakon izvršenog javnog otvaranja ponuda, na zatvorenom sastanku Komisija je izvršila pregled dokumentacije priložene uz ponude u smislu provjere njene potpunosti i ispravnosti u skladu sa zahtjevima iz tenderske dokumentacije. Izvršena je evaluacija ponuda u skladu sa pravilima propisanim Zakonom i podzakonskim aktima kao i procedurama utvrđenim u samoj tenderskoj dokumentaciji za ovaj predmet javne nabavke.

Tom prilikom je kontaktovano da su ponude sačinjene potpuno u skladu sa zahtjevima iz tenderske dokumentacije, Uputstvom za pripremu modela tenderske dokumentacije ponuda i Zakonom.

Dana 12.08.2021. godine Komisija je od ponuđača „SAMAS“ d.o.o. Sarajevo, zatražila pojašnjenje neprirodno niske cijene, obzirom da je ponuda navedenog ponuđača više od 20% niža od ponude drugorangiranog ponuđača.

U ostavljenom roku, dana 13.08.2021. godine, navedeni ponuđač je dostavio pojašnjenje neprirodno niske cijene što je Komisija razmatrala, te navode ocijenila kao opravdane i prihvatila argumente koje je ponuđač istakao u svom pojašnjenju.

Komisija je izvršila bodovanje ponuda po osnovu oba podkriterija „ekonomski najpovoljnije ponude“, primjenom odgovarajuće formule za izračun broja bodova sadržane u Pravilima o postupku, provjeri, proceduri i načinu vrednovanja – bodovanja kriterija za izbor najpovoljnijih ponuđača, kako slijedi:

Ponuđač	Potkriterij	
	Cijena 60%	Rok izvršenja 40%
„BLICDRUK“ d.o.o. Sarajevo	$713,81/2.101,72 = 0,34 \times 60 = 20,4$ bodova	$12/12 = 1 \times 40 = 40$ bodova
„SVJETLOST BH - PRINT“ d.o.o. Sarajevo	$713,81/2.268,60 = 0,31 \times 60 = 18,6$ bodova	$12/48 = 0,25 \times 40 = 10$ bodova
„SAMAS“ d.o.o. Sarajevo	$713,81/713,81 = 1 \times 60 = 60$ bodova	$12/12 = 1 \times 40 = 40$ bodova

Nakon bodovanja po osnovu utvrđenih podkriterija ekonomski najpovoljnije ponude, izvršeno je rangiranje ponuda:

r/b	Ponuđač	Broj bodova	Rang
1.	„SAMAS“ d.o.o. Sarajevo	100	1
2.	„BLICDRUK“ d.o.o. Sarajevo	60,4	2
3.	„LOGOSOFT“ d.o.o. Sarajevo	28,6	3

Komisija je u daljem radu donijela jednoglasnu odluku da se Opštinskom načelniku dostavi

PREPORUKA O PRIHVATANJU PONUDE

Ponuđača „**SAMAS**“ d.o.o. Sarajevo, ul. Hadžidamjanova 1, Sarajevo, za javnu nabavku za pružanje štamparskih usluga u 2021. i 2022.godini, putem konkurentskog zahtjeva za dostavu ponuda, za dodjelu Okvirnog sporazuma sa ukupnom cijenom (zbir jediničnih cijena svih predmetnih usluga) u iznosu od **713,81 KM sa PDV-om** i rokom izvršenja usluge **12 (dvanaest) sati**.

Opštinski načelnik je prihvatio Izvještaj i preporuku Komisije za javne nabavke, o čemu je donio ovu Odluku, shodno članu 70. stav (1) Zakona.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi BiH Filijala Mostar, putem ugovornog organa (Općina Centar Sarajevo), najkasnije u roku od 5 (pet) dana od dana prijema iste, shodno članu 101. stav (5) Zakona.

Naknada za pokretanje žalbenog postupka iznosi 500,00 KM shodno članu 108. stav (1) tačka a) Zakona.

Žalba se podnosi u dovoljnom broju primjeraka, a koji ne može biti manji od tri, shodno članu 99. stav (2) Zakona.



Prilog: Zapisnik o pregledu i ocjeni ponuda
Broj: 02-11-3313/21 od 13.08.2021.godine

Dostaviti:

1. Ponuđačima:
 - „BLICDRUK“ d.o.o. Sarajevo, Ćemaluša 8, Sarajevo
 - „SVJETLOST BH - PRINT“ d.o.o. Sarajevo,
Ismeta Alajbegovića Šerbe 3, Sarajevo
 - „SAMAS“ d.o.o. Sarajevo, Hadžidamjanova 1, Sarajevo
2. Službi za javne nabavke, zajedničke poslove i Informatiku
3. Službi za finansije
4. Arhivi